


Ucraïna - Joan-Marc LECLERCQ

14,00 euros

ISBN : 2-85910-385-6

Per l'an 1920, au bèth miei de la revolucion bolchevica, un joen jornalista anglés que serà mandat tau centre d'Ucraïna tà realizar lo son tot purmèr reportatge. Que descobrirà un país esmiraglant de las granas pradas sauvatjas, traversat per las armadas rojas, blancas e nègras, on lo sens de l'istòria que sembra de se jogar a tot moment. Lo joen eròi qu'i enconstrarà las populacions qui poblan las granas estèpas : Cosacs, Tziganes, Judius, aubarèus desadinerats, e qu'i passarà la soa batiada deu huec : purmèr long viatge capvath las granas vilas d'Euròpa, purmèras batèstas, purmèr vira-sang sentimentau.



Lo comunard de la Mitidjà - Glaudi BARSÖTTI

12,50 euros

ISBN : 2-85910-387-2

Un jove estudiant, enfant de rapatriat d'Argeria, se troba occitanista per de rasons sentimentalas. S'avisa que son rèire rèire grand èra un Provencau qu'avia degut partir per Argeria en 1871 ; troba una mena de libre de rason sieu onte conta son engatjament republican e socialista a Marselha sota lo Segond Empèri ; la Comuna de Marselha ; la fugida en Argeria ; aila la lucha contra lei monarquistas e la situacion coloniala. Lo jovent se retroba acarat a son origina occitana e obriera, au mitan sociu borgés qu'es lo sieu, e tanben a sa mestressa que lucha per una societat nòva.



Lo balestrièr de Miramont - Robèrt MARTÍ

12,50 euros

ISBN : 2-85910-388-0

Sul planastèl de la Calmesia, èran plan un cinquantenat, los que montavan al castèl de Miramont, en traversant lo vilatge dels Sarrasins, dins lo calabrun d'un ser de davalada. Lo mond èran defòra per véser aqueles òmes armats e feluts coma de lops vièlhs, trempes d'aver gasat Viaur, cargats de sacas e d'arcas de totas menas, que butavan a còps de pès e de ponhs un òme e doás femnas joves mièjas nudas, totes estacats pel còl amb un cordèl coma s'èran de vedèls. Aquel an de gràcia — quina gràcia ? — de 1374, los rotiers de Berenguièr l'Albigòt tornavan de çò que sonavan "la caça", Reputat per sa dexteritat a la balèstra, lo bèl e ferotge Berenguièr amagava un secrèt...



Las islas jos lo sang - Joan GANHAIRE

12,50 euros

ISBN : 2-85910-402-X

Los personatges de Dau vent dins la pluma, Joan-Francés Barnabeu Segur de Malacomba, la tendra Nani, lo fier Angelo e lors companhs, laissan enfin las ribas de Garona per ganhar l'Anglaterra ente los espera Sir Cromwell. Viatge plan riscat ente un pirata se cacha darrier chasca ersa. Mai dangerosas enquera son las vanelas e las plaças de London. Segur s'i pòden rencontrar de las figuras simpaticas e plan conegudas, mas lo mai sovent, un s'i còpa de las testas, un s'i cotela, s'i pingalha. Se raletan la mòrt e la traïson. Mas l'orror suprema será tucada quante van segre las armadas anglesas dau costat de Dublin. Anglaterra, Irlanda, vos setz ben las islas jos lo sang.